



Universitätsbibliothek Paderborn

Dissertationes De Actibus Humanis

Karchne, Simon

Augustæ Vindelicorum & Græcensis, 1716

§. XXXIII. Corollaria quædam practica deducta ex decisioп §. superiore.

urn:nbn:de:hbz:466:1-39981

§. XXXIII.

Corollaria quædam practica deducta ex decisis §.
superiore.

274. Corollar. 1. Uxor per se loquendo non tenetur reddere debitum viro ebrio, quia non petit modo humano, per accidens tamen, ut si sit periculum incontinentiae, est reddendum, Sanch. lib. 9. de Matr. D. 23. num. 12.

Corollar. 2. Incitare ebrios, stultos, aut infantes ad verba blasphema, ac reliqua, de quibus à num. 267. non esse morale, nisi fiat incitatio ex affectu prævo in proximum, vel DEUM, quia per dicta non retinent in eo statu malitiam objectivam, Laym. lib. 1. tract. 4. cap. 10 num. 3. Tanner. tom. 2. D. 4. q. 8. num. 143. loquens de amentibus, quibus æquiparantur ebrii c. venter Dist. 35. approbat Gobat Theolog. Juridico-Mor. cap. 9. num. 63. addens iram nulli noxiā, & cap. 19 num. 47. oppositum esse decidendum de retinentibus malitiam ita CC.

Corollar. 3. Ebrium deobligari confiteri peccata non solum verbalia, sed etiam realia, seu actiones commissas in ebrietate retinentes malitiam objectivam, cum hoc tamen discriminē, quod verbalia non retinentia malitiam nec in se, nec in causa sit obligatio exponendi per num. 273. retinentia vero non debent in se exponi, quia in se non sunt peccata per num. 260 & seqq. Gobat cap. 9. n. 13.

R. P. Karch. Diff.

cum Lugo de Pœnit. D. 16. num. 440. & pluribus aliis contra allegatos, supra nn. 261. Vide num. 266. ubi de actibus retinentibus malitiam.

Corollario quoad partem secundam non obest praxis proborum virorum ac confessariorum de necessitate confitendi talia peccata, quia praxis nititur falso supposito, quod actiones illæ sint formaliter, ac in se peccata, Raynaud. in Morali discip. Dist. 4. quest. 1. num. 119.

Unde occidens in ebrietate præviso homicidio sufficenter se expectorabit dicens: semel me inebravi prævidens proximum periculum occidendi unum, quin debeat exprimere à se hunc lethaliter vulneratum, aut fecutum homicidium, nisi hoc sit reservatum. In ebrietate pessimè tractans uxorem cum liberis sufficit, si dicat: ter fui ebrius, licet consueverim barbarè tractare liberos, & uxorem, Gobat à num 16. Vide nn. 260. in fine.

275. Corollar. 4. Jactantes se, quod insigniter alios propinationibus immerserint usque ad mentis alienationem peccare mortaliter, si glorientur formaliter inebriatione, quia querunt gloriam ex offensa DEI mortali, in quo quia gloria aequaliter displiceret DEO, si se jactans non complacet sibi in peccato, seu de eo non gaudet, sit, ut se jactans non oblige.

Dd

lige.

ligetur explicare speciem peccati, de quo se jactavit, sed satisfacit dicendo, quod toties se jactaverit de mortali culpa Pal. p. 1. tract. 2. D. 2. p. 11. num. 5. contra Sanch lib. 1. in Decal. cap. 3, num. 13. Cujus opinionem approbat, si jactantiae conjunctum sit gaudium, hoc enim omnino variatur specie morali pro specifica diversitate peccatorum, de quibus sit jactantia.

Nihilominus jactantes se communiter non esse reos mortalis existimat Gobat cap. 13. num. 63. quia multi non apprehendunt gravitatem malitia in tali gloriatione; Rationem dat ex Pal. num. 2. Less. lib. 2. de Just. cap. 47. dub. 6. num. 42. quod Jactantia haec sit de dexteritate, aut modo, quo compositores vino sunt sepulti.

Providè tamen monet Gobat n. 64. Si materia jactantiae sit ejusmodi, quæ per solam sui recordationem apta est potenter excitare appetitum, uti sunt res venereæ, sumpta vindicta de aliquo, durante adhuc in eum rancore, tunc non facile præsumi potest non intervenisse complacentiam, cum ut plurimum soleat adesse, & ita in dubio est præsumendum.

Hic obiter addit Gobat num. 65, ex Pal. & Dicastill. de Pœnit. D. 9. dub. 8. num. 490. Sicut jactantiae de narratis peccatis seclusa complacentia sunt in infinita specie malitia, ita omnis voti transgressio in quacunque materia interdicta, aut præcepta est ejusdem infimæ speciei.

276. Corollar. 5. Sive quis cum dubio periculo, sive cum certo secuturi e.g. homicidii in ebrietate, se ineptiet, certum est utrumque per ebrietatem con-

trahere malitiam homicidii mortalem, minus quidem gravem cum periculo dubio, quam cum certo, quia homicidium est minus voluntarium, cuius evenitus est dubius, quam dum est certus, Arriag. Tom. 3. Theolog. D. 44. à num. 10.

Controverti tamen potest, utrum homicidium dubiè prævisum specie morali differat ab homicidio præviso in periculo certo? cit. Arriaga propendet in affirmativam, qua in morali estimatione periculum certum, & dubium specie morali differunt, idque patet in mercatore, qui licet navigat cum dubio periculo submersionis, illicitè autem certus de submersione ut si ei revelaretur.

Hinc rectè colligit Gobat cap. 9. num. 53. quod ebrios debeat exponere, an se inebriaverit cum periculo dubio, aut certo eventu prævisi, ac secuti in ebrietate, probabiliter tamen ab hac explicant necessitate liberat, quia ceteri DD. distinctionis præfati duplicitis periculi non meminerunt.

Et si sermo sit de peccatis, quæ consumantur in opere externo, aut in potentia distincta à voluntate, sive ea sint juris divini, sive naturalis, Vasq. 1. 2. D. 101. cap. 5. num. 16. dico ejusmodi peccata commissa ex ignorantia vincibili non distinctiæ specie morali à peccatis scienter patratis, quam opinionem secutus sum olim de humanis Actibus num. 184. ex hac ratione: opera externa sive scienter, sive ignoranter facta manent substantialiter invariata, ergo si adest sufficiens ratio voluntarii, nempe indirectè pendens à cognitione culpabilis ignorantiae, cuius voli-

volitio est indirecta volitio operis mali ex illa facti.

277. Corollar. 6. Etsi ebrietas non sit vitium omnium gravissimum, est tamen (si libidinem excipias) omnium secundum & probrosum, pars prior probatur, quod peccata contra virtutes Theologicas sint graviora uti pulchre probat D. Th. 2. 2 quest. 150. a. 3. hisce verbis: tantò aliquid est gravius malum, quanto majore bono privat, quandoquidem per hoc dicitur esse malum, quod privat bono: manifestum est autem, quod bonum divinum est maius, quam humana, & ideo peccata, que sunt directe contra DEUM sunt graviora peccato ebrietatis, quod directe opponitur bonorum rationis humanae. Unde cum usus rationis sit nobilis bonum usu rerum externarum, ebrietas est gravior furto, Gobat cap. 7. num. 4. Pars posterior facile patet, quod nullum vitium ita pugnet cum excellentia hominis, quam ebrietas, aquat enim illum bestiis, privatque summa gloria, nempe lumine rationis, quod est fons primus omnis virtutis.

Corollar. 7. Stultos, puerosque ante usum rationis inebriare non est culpa mortalis, secluso periculo gravis invaleudinis, aut alterius mali ab iis committendi, unde si quis frequenter pueros in-

ebriet, non excusaretur à mortali, tum quia ebrietas tenellæ ætati graviter nocet, tum quia ex contracta consuetudine post lumen rationis expositi sunt manifesto periculo mortaliter peccandi. His seclusis malis Ratio Corollarii est, quod in his propriè non possit dari ebrietas, hujus enim malitia est privatio usus rationis, eo nec stulti nec infantes privantur, Gobat c. 13. n. 39. & 40.

Corollar. 8. Foro externo non esse vitio vertendum, quod ebrios ob delicta in ebrietate patrata puniat, qui alias in foro interno sunt innocentes, sic ante annos circiter triginta Græcii quidam capite plexus est ob trajectam in ebrietate foemina, quia forum externum, cui interna sunt occulta, procedit ex præsumptionibus, præsumit enim notitiam, seu sufficientem rationis usum ad peccatum, Gobat c. 9. n. 69.

Corollar. 9. Non esse mortaleni detractionem, si quis referat crimina gravia de aliquo audita ex ore ebrii, quia nullus sine temeritate potest illa habere præveris per num. 248. sed hoc ipso detrac-
tio nequit esse mortalis per
se loquendo.

* *

